

REGIONAL NEWS BULLETIN

HEADLINES (MORNING)

- 1. In sak tanpuina PMAY – Housing For All hamthatna dawng zinga sorkar laipuiin Mizoram atanga titha zual a thlanchhuah mi pathumte hnenah lawmman – PMAY-U Award hlan a ni.
- 2. International Paragliding Accuracy Championship-2024 chu Serchhip ah neih mek a ni.
- 3. President Droupadi Murmu in mi zawng zawng dikna leh zahawm na humhim na atan digital environment dik leh mumal tak neih a pawihmawh a ti.



PMAY

Sorkar laipui scheme, In sak tanpuina PMAY – Housing For All hamthatna dawng zinga sorkar laipuiin Mizoram atanga titha zual a thlanchhuah mi pathumte hnenah lawmman – PMAY-U Award nimin khan UD & PA Minister Pu K Sapsangan a hlana. Lawmman dawngtute hi Lalmuanpuui, Champhai; Vansangliana, Mamit leh Lalramngheta, Kolasib te an ni.

UD&PA Minister chuan lawmman dawngtute kutchhuak a hmuh atangin rilru dik tak pu a kuthhuak chhuanawm tak an nei chu mi ropui tak tak thenkhat in an tluk loh thu a sawi a. Sorkar in chhawmdawlina a ruahman hrang hrangte dik taka hman chuan rah tha leh hlawkthlak a chhuah thin thu a sawi a. Tangkai zawk emaw, tha zawka ngai a, ruahman loh anga tanpuina/ chhawmdawlina hmang sual te hi a tawp ah a pawih thin thu a sawi a ni.

He hunah hian UD & PA Director & Mission Director-PMAY Pu Jacob Lalawmpuia chuan chhawmdawlina hi installment a pek a nih avangin beneficiary lamin an tih tur chin a hun taka an lo tih thin loh avangin installment dang an dawn belh theih loh phah thin thu a sawi a. Housing for All (Urban) hi India ram ah June, 2015 khan tlangzarh a ni a. Mizoram pawhin kum 2015 atang in bul kan tan ve nghal a. He Scheme hi kum 2022 thleng kalpui tur a ruahman a ni. Hei hi pawhsei leh niin kum 2024 December ni 31 thleng pawhsei leh a ni.

(DIPR)



CM

Chief Minister Pu Lalduhoman, Kalphung thar mipui Sorkarin Banakaih policy hmangin mipuite rilru puthmang siam that an tum a ti.

ZPM Zonu General Headquarters Advance Christmas hun a telpuinaah he thu hi sawiin Pu Lalduhoma chuan, hun rei tak chung Sem policy hmangin Mizoram chu kaihhruai a lo ni tawh thina, chuchuan kawng tam takin mipuite rilru puthmang a dik lo zawngin a hruai nasa hle a ni, sem policy khan mi tam tak kutdawh rilru a put tira, chu chuan mipuite hmasawna tur a tithuanawp a, Kalphung thar mipui Sorkar erawh chuan Sem Policy ni lovin Thawhrimna an zuara, Bana kaih handholding Policy hmangin mipui rilru puthmang siam that an tum mek a ni,a ti.

Chief Minister chuan, Hanholding Policy hnuaiiah Entrepreneurship Hand holding, Chief Minister Special Package leh Thlaithar lei kalpuiin hma an la mek tih sawiin, hengte hi ruahmanna felfai tak leh kalphung mumal tak hnuaiiah lo chuan thil tih theih a ni lova, Thlaithar lei chungchanga ruahmanna an siamte pawh mipuiten lo ngaihvena, thawhrim rah duhawm tak seng turin duhsakna a hlan tih a sawi a ni.

Chief Minister chuan,ZPM Party chu party naupangte nimahse Opposition nih lai atang tawhin beihrawn a hlawh hle a, Sorkarna an chan hnuah pawh thudik tawk lo hmanga beih chhunzawm an ni reng tih sawiin, mipui tana thudik hriat hleih theih loh khawpin beihna an tawk fo a, mipui hnena thudik an puanchhuah ve fo a tul a ni a ti.

(PR)



MPCC

Mizoram Pradesh Congress Committee President Pu Lal Thanzaran inthlan lehah an sawrkar chuan oil, buhfai leh chhiah uchuak taka tihsan an ennawn leh vek dawn a ti a, NLUP chu mithiam zawkte râwnin changlung zawkin an kalpui leh ngei dawn a ti.

MPCC Special Assembly nimina Aizawla neihah he thu hi sawiin Pu Lal Thanzara chuan ZPM sawrkar chuan an enkawl mipuite oil man leh chhiah te, buhfai man te an tihsan khum a, an ni hlawh leh hamthatna hrang hrangin an inhaivur leh si a ni a ti a. Flagship Programme chu anmahni duanchhuah ani lova, central scheme awmsa a ni a ti a, he scheme hi nawlpui, lekhathiam lo leh pianphunga rualban lo te tan chuan tum chhin chi pawh a ni meuh lo a. Thiamna neih ngai, project siam ngai a ni zel a ni, a ti.

ZPM chu an insawi angin an kal lova, inrenchemna kalpui anga insawiin tul lovah hna an siambelh avangin cheng vaibelchhe sawm tel an senbelh mek a ti a. MLA Fund te tul lovah an tisang a, kum tin cheng vaibelchhe 80 lai an seng dawn tih sawiin tuna VC inthlan an sawn hma pawh hi mipui kutthlakna zah lohna nasa tak a ni a, Democracy palzutna a ni a ti a. Mipui rilruah an hniam tial tial a, sawhthing hralhna tha an hmu dawnin a lang si lova, rulling VC neih tlem an hlau si a, heti hian an che ta niin a lang a ti.

Pu Lal Thanzara chuan Congress party chuan Mizoramah ro an rel rei ber a, Development pawh Mizoram tan an thlen hnem ber a ni a ti a.

MPCC Special Assembly hi Sr Vice President Pu Lalnunmawia Chuaungo chuan a kaihruai a, kalkhawmten resolution siamin, NLUP kalpui leh an tum thu te leh, Mizoram Lokayukta thuum chaka thuneihna sang zawk pe turin hma lak an tum tur thu te an sawi a ni.

(PR)



SCIENCE MELA

National Youth Festival puala programme ruahman, Mizoram Science Mela 2024 chu nimin khan Aizawlah hawn a ni a,

Sports & Youth Services Department leh Mizoram Science, Technology & Innovation Council (MISTIC) buatsaihin MINECO Innovation Facility Centre-ah neih a ni a, Sports Minister Pu Lalnginglova Hmar chuan a hmanpui.

Ministry of Youth Affairs & Sports leh Ministry of Science & Technology-te tangkawpin he hun hi India state tinah a buatsaih a. Thupui “Innovation in Science & Technology” tih hmangin he hunah hian kum 15-29 inkar ten science lam kaihhawiha an thil siamchhuah te an pho chhuak a, District hrang hrang atangin mi 25 in he hunah hian inelna an nei a, Science Mela hi ni hnih (2) awh tur niin a ti thazual te hian Mizoram aiawhin 28th National Youth Festival, nakum January Ni 12-26 inkara New Delhi-ah an thil siamchhuahte an pho chhuak leh ang.

(DIPR)



PARAGLIDING WORLD CHAMPIONSHIP

International Paragliding Accuracy Championship-2024 chu Serchhip ah tan a ni a,

Bawngchawma Pilot te thlawhchhuahna hmun ‘take off point’ ah nimin khan a hawwna inkhawm tawi buatsaih niin Serchhip DC Pu Paul L.Khuma, International Paragliding World Championship Organising Committee Chairman ni bawk chuan Pilot thlawk chhuak hmasa ber te hi a vailiam a ni.

International Paragliding World Championship hi Zirtawpni thleng inelna an nei dawn a. A kharna programme hi Chief Minister Pu Lalduhoma hoin Zawlpui leileta pilot te tumna hmun landing site ah neih a ni dawn a ni.

Kan corr report lo ngaithla ang.

(VC)

He inelnaa tel tura Spain atanga lo kal, kum 56 mi David Contraras chuan Serchhip boruak nuam a tih thu leh, him taka inelna an neih ngei a beisei thu kan corr a hirih a ni.

International Paragliding Accuracy Championship and Air Sport Festival neih chhung hian Zawlpuiaah stall chi hrang hrang hawn niin mipui a duh apiang tan ei leh in tur, thei leh thlai, sangha man thar, Serchhip District chhunga an thil siam chhuah chi hrang hrang lei tur a awm a. Nghakuai chiah runpui neih a ni bawk a. Man chawia paragliding a thlawk duh te tan intihsiakna neih zawh atang hian a duh apiang tan chuan theih a ni dawn bawk a ni.

(CL HLUA SERCHHIP PTC)

◇◇◇◇

AIR NEWS ON SOCIAL MEDIA

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah a ni.

◇◇◇◇

PRESIDENT

President Droupadi murmu chuan mi zawng zawng dikna leh zahawm na humhim na atan digital environment dik leh mumal tak neih a pawihmawh thu a sawi.

(Byte)

Human rights day programme national Human rights commission in delhi a buatsaih ah thusawiin president chuan cyber crime leh climate change(sik leh sa in thlak na) hian mihring dik na leh chanvo tun hnai hian a tichhe nasa tawh ani ati a, digital era hian thil tam tak a tha zawng in a thlak danglam a chutih rual in cyber bully te nih na lem hmang a mi bum te mimal zalenna in tih chhiat sak te leh thudik tawh lo thehdarh te a hluar thu a sawi.

President Droupadi murmu chuan India chu retheihna um bo kawng ah te leh thalai te hnen a hamthatna intluktlang tak a pek chu ram dang te tanpawh thil entawn tlak tak a nih thu a sawi. India ram chuan kum sang5 chuang zet kan lo in rochun tawh heng mikhawngaihnhate lainat na te hi mimal tin ten kan chhawm nun reng a vang in khawtlang muanawm tak kan neih thu a sawi bawk.

National Human rights commission chu dan bawhchhiat dona kawng a hma latu anih avangin lawmawm a tih thu leh awarness campaign nei zel tur te leh mi rethei leh hnuaihngung zawk te dik na leh chanvo humhalh na tur a tan a tul chuan policy te pawh thlak danglam tur in thurawn ape bawk ani

(News on air)

◇◇◇◇

DEFENCE MINISTER

Defence minister Rajnath Singh chuan India leh Russia inter-governmental commission on Military and military technical cooperation vawi 21 na neih zawh a nih hnu in thawhlehi khan Moscow ah Russia President Vladamir Putin nen an in kawm. Defence ministry lam chuan thuchhuah siam in ram 2 te chuan ram venhimna lam a an thawhdun theih na tur kawng hrang2 te sawiin ram hruaitu 2 te hian ram 2 thawh hona chuan thil tha tam tak a thlen tur thu te hmasawna tam tak a alo awm theih na tur a tan a kawng hawnsak tu ani dawn ani ati.

Meeting neih lai hian Defence Minister Rajnath singh chuan india leh russia in thian that na sawi in India chuan Russia bul ah a awm reng tur thu leh hun lo la awm leh zel tur ah pawh russia chu a thlawp chhonzawm zel tur thu a sawi bawk

(News on air)

◇◇◇◇